



Na osnovu člana 69. stav (1) tačka b) i stav (2) tačka e) i člana 70. Zakona o javnim nabavkama („Službeni glasnik BiH“, broj 39/14) i člana 18. Poslovnika Centralne izborne komisije Bosne i Hercegovine („Službeni glasnik BiH“, broj 29/18), na preporuku Komisije za javne nabavke od 30.05.2018. godine, Centralna izborna komisija Bosne i Hercegovine je na 23. sjednici, održanoj 31.05.2018. godine, d o n i j e l a

O D L U K U o poništenju postupka

(1) Poništava se postupak javne nabavke usluga štampanja obrazaca za biračka mjesta, izborne komisije i Glavni centar za brojanje i štampanje postera za biračka mjesta i izborne komisije - LOT 3 izvršen primjenom otvorenog postupka za dostavu ponuda broj: 07-2-16-3-99-3/18 od 23.05.2018. godine, jer cijene svih prihvatljivih ponuda znatno su veće od osiguranih sredstava za predmetnu nabavku.

(2) Obavještenje o poništavanju iz stava (1) dispozitiva ove odluke objaviti na „Portal javnih nabavki“, u skladu sa Uputstvom o uslovima i načinu objavljivanja obavještenja i dostavljanja izvještaja u postupcima javnih nabavki u informacioni sistem „E-nabavke“ („Službeni glasnik BiH“, broj 90/14 i 53/15).

O b r a z l o ž e n j e

Postupak javne nabavke usluga štampanja obrazaca za biračka mjesta, izborne komisije i Glavni centar za brojanje i štampanje postera za biračka mjesta i izborne komisije -LOT 3 za potrebe provođenja Općih izbora 2018. godine proveden je putem otvorenog postupka. Obavještenje o nabavci objavljeno je na portalu Javnih nabavki broj: 794-1-2-106-3-11/18 od 23.05.2018. godine. U postupku nabavke dostavljene su dvije ponude Grupe ponuđača: „Javna ustanova Službeni glasnik RS“, Banja Luka-predstavnik grupe ponuđača, „Dnevne nezavisne novine“ d.o.o Banja Luka i „Grafomark“ d.o.o Laktaši i ponuđača „Grafika Šaran“ d.o.o. Sarajevo, koje su ocijenjene prihvatljivim.

Komisija za javnu nabavku imenovana Rješenjem broj: 07-2-16-3-99-2/18 od 01.02.2018. godine godine konstatovala je u Zapisniku o pregledu i ocjeni ponuda broj: 07-2-16-3-99-21/18 od 30.05.2018. godine, koji je sastavni dio ove odluke, da su ponuđene cijene od oba ponuđača znatno veće od osiguranih sredstava za predmetnu nabavku i predložila Centralnoj izbornoj komisiji Bosne i Hercegovine donošenje odluke o poništenju ovog postupka u smislu člana 69. stav (1) tačka b) i stav (2) tačka e) Zakona o javnim nabavkama.

Uzimajući u obzir navedeno, odlučeno je kao u dispozitivu ove odluke.

Pouka o pravnom lijeku

Žalba se izjavljuje Centralnoj izbornoj komisiji Bosne i Hercegovine u pisanoj formi u tri primjerka neposredno ili preporučenom poštanskom pošiljkom u roku od deset (10) dana od dana prijema ove odluke.

Broj: 07-2-16-3-99-24/18
Sarajevo, 31.05.2018. godine

Dostavljeno:

1. Na internet stranicu CIK BiH www.izbori.ba
2. A/a



Predsjednica

Dr. Irena Hadžiabdić